

## Transkription von Urkunde RIG 1443a

Ort, Datierung: Riga, 1443-05-15

Signatur: Staatsarchiv Riga, Fond 5561, Apparat 2, 164

Bemerkung: Datum laut Archiv: 1443-04-24, da dort nicht der vierte (verde), sondern der direkt auf Paschen folgende Mittwoch berechnet wurde

---

Wy Borgermeistere vnd Radma(n)e der Stad Rige bekenen vnd betugen openbar in vnd mit dessem /  
breue dat an vnse Jegenwordicheit gekomen Js hans Blumer vnsir Stad medeburger openbarlike(n) /  
bekennende vnd seggende dat he vnd sine eruen recht vnd redeliken vorkofft hebbe(n) dem ersame(n) /  
herborde Seeldenbot vnd sinen eruen Seesz fferdinge Rigesch nies geldes Jarliker Renthe vor /  
vyffvndtwyntich mark Rig(esch) dessyluen nien pagime(n)t(es) als genge vnd geue Js in dage Jare  
gyffte / desses breues der eyn Jslik vorg(enante) getalde mark an sijk hefft vnd hebben sal Seuen lot  
lodiges syl-/uers Jn vnd vp sin husz belegen in der Rijken Strate bouen vpdem orde negest her gerwin  
gendaenae / huse „ de renthe vorg(enant) edder de werde dar van alle Jar vt torichtende vnd tobetalende  
updat fest pasche(n) / sunder Jenigerleye vortogh „ Behalden dagh hans Blumer vnd sine(n) erue(n)  
edder den rechten besitters / des vorg(enanten) huses intokomden tiden vullmacht vnd moge de  
vorg(escreuene) Renthe vor den vorbenomeden / houetsu(m)men edder de werde dar van updat  
vorg(enante) ffest pasche(n) wedderafftokopende wanner en dat / behaget vnd al der best vellich Js  
su(n)der Jemandes weddersprekent „ desser dinge in eyne ware tuch-/nisse Js vnser Stad Jngesegel  
vndir An dessen breeff gehangen de geue(n) vnd gescreue(n) Js an (cristi) / vnser here(n) gebort durent  
verhu(n)dert indem xliii<sup>ten</sup> Jare upden midweeken in der verden weeken na / Paschen